


樣本庫

清代名醫醫案大全

(二)

陸淵雷校閱



正文書局印行

1153111

清代名醫醫案大全
第二冊
次目

張	趙	王	張	曹	吳	尤
仲	海	旭	千	仁	鞠	在
華	仙	高	里	伯	通	涇
醫	醫	醫	醫	醫	醫	醫
案	案	案	案	案	案	案

尤在涇先生

尤怡。字在涇。自號飼鶴山人。江蘇長洲人。少極貧。學醫於馬倣。倣負盛名。從游者甚衆。晚乃得怡。喜甚。謂其妻曰。吾今日得一人。勝得千萬人矣。怡與徐靈胎友善。治病多奇中。其學以喻嘉言爲宗。博極羣籍。尤服膺仲景之書。所著有傷寒論貫珠集。金匱心典。醫學讀書記。均刊行。

先生醫案。其附刻於讀書記後者。僅三十餘條。非全本也。此案爲江陰吳氏所鈔藏。咸豐兵燹後。柳寶詒於唐文橋張氏齋頭見之。假歸鈔錄。復就其中選精粹者。得十之五。柳氏謂此案論病則切理。鑒心。源流俱澈。用藥則隨證化裁。活潑潑地。亦可見此案之價值矣。

柳寶詒。字穀孫。清澄江名醫。所著有素問說意。溫熱達源。癰疽達原。惜餘醫話等十二種。先生於溫熱。究研最深。學者細讀其闡發幽微處。即可知先生有獨到之。其溫熱達原。尤論列精詳。已刊入三三醫書中。實復學之津梁也。

光 澤 溼 醫 案 目 錄

諸郁	汗病	虛損	失血	欬喘	痰飲	神志	內風	痿痺	類中	內傷
.....										
一八	一七	一六	一三	一〇	八	七	六	五	四	一

嘔 吐	伏 氣	外 感	濕 病	瘧 疾	黃 疸	痺 氣	腹 痛	癰 癤	腫 脹
.....元	三	三	三	三	二	天	天	七	元

胎產	外傷	大便	泄瀉	小便	遺精	脚氣	耳疾	餘痛	頭痛
.....									
天	天	吳	吳	宣	福	通	聖	三	三

尤在涇醫案

武進徐衡之編纂
嘉定姚若琴江陰柳寶詒殷孫評註
黟山李鴻慶圖點

內傷

陰虧於下。陽浮於上。服八味丸不效者。以附子走竄。不能收納耳。宜加減法治之。

桂都氣丸

詒按。議論精細。可爲用藥者開一悟境。

腎精不足。肝火乘之。故有筋攣骨痿。耳竅二陰氣出等證。夫肝火宜泄。腎精宜闔。於一方之中。兼通補之法。庶幾合理。然非旦夕所能奏功也。

生地 川棟子 茯苓 阿膠 丹皮 女貞子

詒按。論病深中肯綮。方中可增白芍、牡蠣。

咯血脇痛。項下有核。脈數惡熱。咽痛。便澹。此肝火乘脾之證。反能食者。脾求助於食。而又不能勝之。則痞耳。治在制肝益脾。

白芍 茯苓 川連 牡蠣 炙草 木瓜 益智 阿膠

詒按。論病明快。方中擬加丹、梔、夏枯草。

肝臟失調。侵脾則腹痛。侮肺則乾欬。病從內生。非外感客邪之比。是宜內和藏氣。不當外奪衛氣者也。但脈弱而數。形瘦色槁。上熱下寒。根本已瀉。恐難全愈。

歸身 白芍 炙草 茯苓 桂枝 飴糖

詒按。此內補建中法。宜於腹痛而不宜於乾欬。宜加清肝保肺之味。乃爲周匝。

真陽以腎爲宅。以陰爲妃。腎虛陰衰。則陽無偶而蕩矣。由是上炎。則頭耳口鼻爲病。下走。則膀胱二陰受傷。自春及秋。屢用滋養清利之劑。欲以養陰。而適以傷陽。不能治下。而反以戕中。內經所謂熱病未已。寒病復起者是。

也。鄙意擬以腎氣丸直走少陰。據其窟宅而招之。同聲相應。同氣相求之道也。所慮者。病深氣極。藥入不能制病。而反爲病所用。則有增劇耳。

腎氣丸

詒按、立論透切。醫案中僅見之作。

真陽氣弱。不榮於筋則陰縮。不固於裏則精出。不衛於表則汗泄。此三者每相因而見。其病在三陰之樞。非後世方法可治。古方八味丸專服久服。當有驗也。

八味丸

詒按、見識老到。議論明確。此爲可法可傳之作。

中氣虛寒。得冷則瀉。而又火升齒齕。古人所謂胸中聚集之殘火。腹內積久之沈寒也。此當溫補中氣。俾土厚則火自斂。

詒按、議病立方。均本喻氏。近時黃坤載亦有此法。

類中

類中偏左。於法爲逆。猶幸病勢尙輕。可以緩圖取效。原方補少通多。最爲合理。惟是陽脈則緩。陰脈則急。所以指節能屈不能伸。此亦病之關鍵處。不可忽也。經云。肝苦急。宜食甘以緩之。於前方中。增進陰藥以甘潤者一二。更爲美備。

人參 茯苓 半夏 白朮 炙草 桔紅 麥冬 竹瀝 薑汁

詒按、此六君加麥冬、竹瀝、薑汁也。

內風本皆陽氣之化。然非有餘也。乃二氣不主交合之故。今形寒跗冷。似宜補陽爲是。但景岳云。陽失陰而離者。非補陰無以攝旣散之元陽。此證有升無降。舌絳牽掣。瘡不出聲。足躄不堪行動。當與河間肝腎氣厥同例。參用丹溪虎潛法。

熟地 黃肉 牛膝 鎖陽 虎骨 龜版

詒按、持論明通。立方簡當。

方書每以左癱屬血虛。右瘓屬氣虛。據述頻年已來。齒疼舌赤。常有精濁。納穀如昔。卒然右偏肢痿。舌強。口喎。語蹇。脈浮數動。此乃肝腎兩虛。水不涵木。肝氣暴動。神必昏迷。河間所謂肝腎氣厥。舌瘖不語。足痺無力之證。但腎屬坎水。真陽內藏。宜溫以攝納。而肝藏相火內寄。又宜涼以清之。溫腎之方。參入涼肝。是爲複方之用。

地黃飲子 去桂 附 加天冬 阿膠

詒按、卽古法而化裁之。參詳脈證。斟酌盡善。

痿痺

脈虛而數。兩膝先軟後腫。不能屈伸。此溼熱乘陰氣之虛而下注。久則成鶴膝風矣。

生地 牛膝 茯苓 木瓜 丹皮 薏仁 山藥 黃肉 澤瀉 龍骨

治按、正虛着邪。故補散宜並。用溼而兼熱。故遊機不可偏。此以六味治陰虛。增入牛膝、木瓜、薏仁、龍骨、以除溼熱。所謂虛實兼顧也。

內風

眩運。嘔惡。胸滿。小便短而數。口中乾。水虧於下。風動於上。飲積於中。病非一端也。

羚羊角 細生地 鉤勾 天麻 茯苓 廣皮 半夏 竹茹

治按、病非一端。方卻打成一片。非熟於制方之義者不能。擬再增生牡蠣。

肝陽化風。逆行脾胃之分。胃液成痰。流走肝膽之絡。右腿麻痺。胸膈痞悶。所由來也。而風火性皆上行。故又有火升氣逆。鼻衄第證。此得之飢飽勞鬱。積久而成。非一朝一夕之故也。治法清肝之火。健脾之氣。亦非旦夕可圖已。

羚羊角 廣皮 天麻 甘草 枳實 半夏 茯苓 白朮 麥冬

詒按：持論明通。立方周匝。看似平淡無奇。實非老手不辦。亦當加入白芍。

此肝風挾痰上逆之證。肢冷自汗。有似陽脫。實非脫也。目與唇口牽引。時復歌笑。治宜先卻邪氣。而後養正。

羚羊角 白茯苓 竹茹 鬱金 半夏 甘草 鉤勾 橘紅

詒按：治法的當。時復歌笑。是心竅受邪之象。薑瀉、遠志、膽星、清心牛黃丸之類。均可選入。

神志

驟爾觸驚。神出於舍。舍空痰入。神不得歸。是以有恍惚昏亂等證。治當逐痰。以安神藏。

半夏 膽星 鉤藤 竹茹 茯苓 橘紅 黑糖 枳實

詒按：發病如話如書。此等方案。非有切實功夫。著不能。所慮或如容易。卻艱辛也。

驚悸易泄。腰疼足軟。有似虛象。而實因痰火。蓋脈不弱數。形不枯瘁。未

可遽與補也。

半夏 炙草 秫米 橘紅 茯苓 竹茹 遠志 石菖蒲

詒按：此號夏合溫膽加味也。認證既確，立方自然入數。

驟驚恐懼。手足逆冷。少腹氣衝卽厥。陽縮汗出。下元素虧。收攝失司。宜乎助陽以鎮納。第消渴心悸。忽然腹中空洞。此風消肝厥。見象非桂附剛劑所宜。

炒黑杞子 柏茴香 當歸 紫石英 細辛 桂枝

詒按：風消肝厥之證。當於溫養中佐以滋陰。方中細辛一味。不識何意。愚意再加牛膝、白芍、牡蠣。

痰飲

秋冬欬嗽。春暖自安。是腎氣收納失司。陽不潛藏。致水液變化痰沫。隨氣射肺擾喉。喘欬不能臥息。入夜更重。清晨稍安。蓋痰飲乃水寒陰濁之邪。夜爲陰時。陽不用事。故重也。仲景云。飲病當以溫藥和之。金匱飲門。短氣倚

息一條。分外飲治脾。內飲治腎。二藏陰陽含蓄。自然潛藏固攝。當以腎氣丸方。減牛膝、肉桂、加骨脂、以斂精氣。若以他藥發越陽氣。恐有暴厥之慮矣。

腎氣丸 減牛膝 肉桂 加補骨脂

詒按、此案推闡病原。極其精鑒。

往昔壯年。久寓閩粵。南方陽氣易泄。中年以來。內聚痰飲。交冬背冷喘嗽。必吐痰沫。胸脘始爽。年逾六旬。惡寒喜暖。陽分之虛。亦所應爾。不宜搜逐攻劫。當養少陰腎藏。仿前輩水液化痰阻氣以致喘嗽之例。

腎氣丸 減牛膝 肉桂 加北五味 沉香

詒按、議論明確。立方亦極精當。

肝風與痰飲相搏。內壅藏府。外閉竅隧。以致不寐不飢。肢體麻痺。迄今經年。脈弱色悴。不攻則病不除。攻之則正益虛。最爲棘手。

鈎藤 菖蒲 刺藜藥 遠志 竹瀝 郁金 胆星 天竺黃 另指迷茯苓丸臨臥服

詒按。病屬難治。而立方卻周匝平穩。非學有本原者。不能辦此。

肝陽因勞而化風。脾陰因滯而生痰。風痰相搏。上攻旁溢。是以昏連體痛等證見也。茲口膩不食。右關微滑。當先和養胃氣。蠲除痰飲。俟胃健能食。然後培養陰氣。未為晚也。

半夏 科米 麥冬 橘紅 茯苓

詒按。審察病機。以為立方步伐。臨證者宜取法焉。

欬喘

風熱不解。襲入肺中。為欬為喘。日晡發熱。食少體倦。漸成虛損。頗難調治。勉擬錢氏阿膠散。冀其肺甯喘平。方可再商他治。

阿膠 茯苓 馬兜鈴 薏米 杏仁 炙草 糯米 芡實

再診 青蒿 丹皮 龜甲 茯苓 石斛 甘草 歸身 廣皮 白芍

詒按。此正虛而兼感外邪之證。乃內傷挾外感病也。

肺陰不足。肺熱有餘。欬則涕出。肌體惡風。此熱從竅泄。而氣不外護也。他藏雖有病。宜先治肺。

阿膠 貝母 沙參 馬兜鈴 杏仁 茯苓 炙草 糯米

治按。此等證。虛實錯雜。若粗工爲之。或與疏散。或與補瀉。均足致損。

肺病以中氣健旺。能食便堅爲佳。茲喘欬已久。而大便易溏。能食難運。殊非所宜。診得脈象與前無異。但能節飲食。慎寒煖。猶可無虞。

沙參 貝母 炙草 杏仁 薏仁 橘紅 枇杷葉

又丸方。六味丸 加五味子 肉桂

治按。不刊之論。讀者最宜記好。

脈細數促。是肝腎精血內耗。欬嗽必吐。嘔清涎濁沫。此衝脈氣逆。自下及上。氣不收納。喘而汗出。根本先撥。藥難奏功。醫若見血爲熱。見嗽治肺。是速其凶矣。

人參 煨石鍾 熟地 五味子 紫衣胡桃

詒按、此難治之證。在欬嗽門中亦別是一種也。

脈虛數。顙紅。聲低。欬甚吐食。晡時熱升。多煩躁。此肝腎陰虧。陽浮於上。精液變化痰沫。病已三年。是爲內損。非消痰治嗽可愈。固攝下焦。必須絕慾。以飲食如故。經年可望其愈。

都氣丸 加女貞子 枸杞子 天冬

詒按、用藥頗爲切實。

咽痛聲啞。有肺損肺閉之分。所謂金破不鳴。金實亦不鳴也。此證從外感風熱而來。當作閉治。溫補非宜。所慮者邪不外達而內併耳。

阿膠 杏仁 桔梗 貝母 牛蒡 元參 甘草 秫米 馬兜鈴

詒按、此錢氏補肺之類。乃虛實兼治之法。

久欬喘不得臥。顙赤。足冷。胸滿上氣。飢不能食。此肺實於上。腎虛於下。

脾困於中之候也。然而實不可攻。姑治其虛。中不可燥。姑溫其下。且腎爲胃關。火爲土母。或有小補。未可知也。

金匱腎氣丸

詒按、擬再用旋覆代赭湯送下。則上中兩層。亦可開會矣。

失血

吐血得勢與怒即發。脈小數。微喘。病在肝心。得之思慮勞心。宜早圖之。勿使延及肺家則吉。

阿膠 丹皮 牛膝 丹參 小蓳炭 三七 藕汁 童便

詒按、此治吐血之正法。能止血而無留瘀之弊。最爲穩當。

凡有瘀血之人。其陰已傷。其氣必逆。茲吐血紫黑無多。而胸中滿悶。瘀猶未盡也。而舌絳無苔。此陰之虧也。嘔吐不已。則氣之逆也。且頭重足冷。有下虛上脫之慮。惡寒譫語。爲陽弱氣餒之徵。此證補之不投。攻之不可。殊屬